


Kitab Suci Bocah nyughaké



Wong Wadon Ing Sumur



Ditulis déning: Edward Hughes

Digambari déning: Lazarus, Alastair Paterson


Dibesut déning: Ruth Klassen

Diterjemahaké déning: Maryudha


Diproduksi déning: Bible for Children
www.M1914.org

©2023 Bible for Children, Inc.
Kowé duwé hak motokopi utawa nyithak crita iki,
waton ora kanggo diedol.

Gusti Yésus lan para sakabate padha
lelungan ngliwati tanah Samaria.
Tekan sawijining kutha sing arani Sikhar.




Ing kono ana sumur, panggonane wong-wong ing Sikhar padha nimba banyu ngombe. Biyèn Yakub, bapaknè wong Israèl, wis ndhudhuk sumur mau.




3

Wayah sore mbok menawa srengenge mlethek lan panas. Kanthi kesel, Gusti Yésus lenggah ing pinggir sumur, nalika para sakabate menyang Sikhar tuku panganan.




4



5

Gusti Yésus dhéwéan - nanging ora suwe. Ana wong wadon sing manggon ing Sikhar teka arep nimba banyu. "Aku wenehi ngombe," Gusti Yésus ngandika marang dhèwèké.



6


Wong wadon mau kaget. "Kepriyé kowé wong Yahudi, kok njaluk ngombé saka aku, wong wadon Samaria?" dhèwèké mangsuli. Ing jaman semana, wong Yahudi ora srawung karo wong Samaria!

Dhèwèké mbokmenawa luwih kaget nalika Gusti Yésus ngandika, "Yen kowé ngerti sapa Aku, kowé mesthi njaluk banyu urip."



7

Wong wadon mau banjur ngomong marang Gusti Yésus: "Gusti, Kowé ora nduwé apa-apa kanggo nimba, lan sumuré jero. Saka ngendi Kowé kok éntuk banyu sing nguripi kuwi? Apa kowé ngungkuli bapakku Yakub sing ngeki sumur iki marang aku...?"



8


"Sapa sing ngombe banyu iki bakal ngelak maneh,"
Gusti Yésus ngandika marang wong wadon mau.

"Nanging sapa sing ngombé
banyu sing bakal Dakparingaké,
ora bakal ngelak maneh ing
salawas-lawasé. Banyu sing
bakal Dakparingaké ... bakal
dadi sumbering banyu
nganti tumeka ing urip
langgeng." "Pak,
wenehono banyu
kuwi..." kandhane
wong wadon mau.



9

Gusti Yésus banjur takon marang wong wadon
mau kon ngundang bojoné. "Aku ora duwe bojo,"
wangslane wong wadon. "Kowé wis nduwé bojo
lima," pangandikané Yésus. "Lan sing saiki uga
dudu bojomu."




10

Wong wadon mau ngerti nèk Yésus kuwi nabi.
Dhèwèké njaluk supaya Gusti nerangake babagan
neng ngendi nek arep nyembah marang Gusti Allah:
Yérusalém utawa gunung sucine wong Samaria.
Yésus kandha nèk wong-wong penyembah sejati kuwi
nyembah marang Bapa nganggo roh lan kayektèn.



11



12

"Ayo, delengen
wong sing
ngandhani aku
kabeh bab sing
wis daklakoni,"
ujare wong
wadon ing
Sikhar. "Apa
iki Kristus?"
Wong-wong mau
padha lunga
saka kutha lan
nemoni Gusti
Yésus dhéwé.



13




14

Sakwisé kuwi, murid-muridé ngaturi Yésus dahar.
Nanging Gusti Yésus ngandika, "Pakanan-Ku yaiku
nindakake karsane kang ngutus Aku, lan
ngrampungake pakaryane." Pakaryané yaiku nggawa
wong marang Gusti Allah.

Akèh wong Samaria sing pracaya marang Gusti Yésus merga omongané wong wadon mau. Wong-wong mau padha nyuwun marang Gusti Yésus supaya tetep; lan Panjenengané lereb ana ing kono rong dina. Akèh

wong liyané sing pracaya merga tembungé Gusti Yésus dhéwé. Wong-wong mau kandha, "... awaké dhéwé wis krungu lan ngerti nèk Panjenengané tenan Kristus, Juru Slameté jagat."



15

Wong Wadon Ing Sumur

Crita saka Pangandikané Gusti, Kitab Suci

bisa digolèki ing

Yokanan 4

"Kawedharipun pangandika Paduka punika madhangi". Jabur 119:130

16

Crita Kitab Suci iki nyritaaké bab Gusti Allahé awaké dhéwé sing luwar biasa, sing nitahaké kita kabèh, sing ngersaaké supaya kowé wanuh marang Panjenengané.

Gusti Allah pirsya yèn awaké dhéwé wis nglakoni prakara sing èlek-èlek, sing disebut déning Gusti Allah, dosa. Ukumané dosa iku pepati, nanging Gusti Allah banget olèné ngasih marang kowé, mula ngirim Putrané Ortang Anting, utawa Putra sing ora ana Tunggale, asmané Yésus, supaya séda disalib, Yésus diukum sebab dosa-dosamu. Banjur Gusti Yésus wungu manèh saka séda lan kondur menyang Swargal! Yen kowé pracaya marang Gusti Yésus lan nyuwun pangapura tumrap dosa-dosamu, Panjenengané bakal maringi pangapura! Panjenengané bakal rawuh lan urip nang atimu saiki uga, lan kowé bakal urip bareng Panjenengané saklawasé.

Yen kowé percaya yen iki bener, mara matura marang Gusti mengkéné: Gusti Yésus ingkang kawula tresnani, kawula pitados bilih Paduka punika Gusti, lan sampaun manjalma dados manungsa supados séda kanggé nyirnaaken dosa-dosa kawula, lan sakpunika Paduka sampaun gesang malih. Mugi rawuha ing gesang kawula lan apuntenana sedaya dosa kawula, supados kawula nggadhahi gesang énggal ing wekdal punika, lan bénjang badhé seserangan kaliyan Paduka salaminipun. Mugi mitulungi kawula supados sagec tansah mbangun turut dhumateng Paduka sarta gesang kagem Paduka, dados putra Paduka. Amin.

Macaa Kitab Suci lan geguneman karo Gusti Yésus saben dina! Yohanes 3:16

18

Cunthel

47



60

17